

## **UGOVORNE STRANE**

1. Veterinarski fakultet u Sarajevu, Zmaja od Bosne 90, Sarajevo (u daljem tekstu Fakultet), kojeg zastupa dekan prof.dr. Nihad Fejzić

i

2. JP Veterinarska stanica Visoko, Musala 25, Visoko koju zastupa Direktor Mr Ahmed Kurspahić

zaključili su dana 01.03.2014.godine sljedeći

## **UGOVOR o nastavnoj, naučnoj i stručno-tehnološkoj saradnji**

### **PREDMET I CILJEVI UGOVORA**

#### **Član 1.**

Predmet ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave;
- kontrola kvaliteta stočne hrane koja se koristi u ishrani grla na farmama;
- ispitivanje i utvrđivanje zdravstvenog statusa grla na farmama;
- dijagnostički, preventivni i terapijski tretmani.
- zdravstvena ispravnost sirovina i namirnica (fizikalno hemijske, mikrobiološke i pretrage na prisustvo rezidua)

### **II OBAVEZE UGOVORNIH STRANA**

#### **Član 2.**

Ugovorna strana JP Veterinarska stanica Visoko će na osnovu ovog ugovora omogućiti pristup studentima, nastavnicima i saradnicima Veterinarskog fakulteta Sarajevo u svoje objekte kao i u objekte kooperanata i klijenata Veterinarske stanice, u skladu sa planom i programom nastave i naučno-tehnološke saradnje koji se dostavlja na početku školske godine.

Posebno, putem ovog Ugovora će se:

- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od grla sa farmi radi vršenja analize istih u skladu i na način kako je to propisano pozitivnim zakonskim propisima.

### **Član 3.**

U cilju realizacije ovog ugovora Veterinarski fakultet Sarajevo se obavezuje da će za «JP Veterinarska stanica Visoko» obavljati:

- dijagnostičke, preventivne i kurativne tretmane za koje veterinarska stanica nije osposobljena, odnosno na osnovu zahtjeva veterinarske stanice;
- obavljati laboratorijsku analizu uzoraka krvi uzetih od grla sa farmi u skladu i na način kako je to propisano programima kontrole bolesti koje su regulisane zakonskim propisima;
- obavljati kontrolu proizvodnje, kvaliteta i zdravstvene ispravnosti sirovina i namirnica, u skladu sa važećim propisima;
- kao i druge dijagnostičke i laboratorijske pretrage koje zahtjeva naručilac u skladu sa zahtjevima nadležnih kontrolnih tijela i važećih zakonskih propisa.

### **Član 4.**

Temeljem ovog ugovora, i opredjeljenosti strana za dugoročnu saradnju sa ciljem razvoja kapaciteta i ispunjavanja poslovnih ciljeva, Veterinarski fakultet Sarajevo će sve usluge iz pretodnog člana raditi za Veterinarsku stanicu uz odobrenje finansijskog rabata od 10 % na važeći cjenovnik usluga.

## **III -PRIJELAZNE I ZAVRŠNE ODREDBE**

### **Član 5.**

Ugovor se zaključuje na period od četiri (4) godine od dana potpisivanja istog, i može se produžiti, ako su obje strane pismeno saglasne.

### **Član 6.**

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

## Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

## Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

Veterinarski fakultet Sarajevo  
Dekan  
Prof.dr Nihad Fejzić

Broj: 07-04-28-7/14  
U Sarajevu, 12.03.2014.



JP Veterinarska stanica Visoko  
Direktor  
Mr. Ahmed Kurspahić

Broj:  
U Sarajevu

